

Ўзгурмиш охиста деди: Хар сўзинг

Эшитдим, сўзим хам эшитгил ўзинг.

Окибатинг учун Худо бехато,

Баракаю эзгу ном этгай ато.

Била олмадим хеч бошка каломинг,

Пайсалга солмасдан айта кол коминг.

Ўгдулмишнинг Ўзгурмишга жавоби

Ўгдулмиш дер: Васлинг дилда дог бўлди,

Сени кўриб яна кўнглим чоғ бўлди.

Киши тилагида бўлса баркарор,

Машаккат нелигин билмагай зинхор.

Нелар дер, эшитгил, синаган окил,

Сўзин маъносин ук, калбингга жо кил:

Кай бир ишда бўлса орзу-умид ёр,

Шитобу шиддатни килгай ихтиёр.

Йирок хам якин хар орзуманд учун,

Бахтиёр айлагай ногох васли ёр.

Яна дер Ўгдулмиш: Мен ушбу сўзим

Тилимдан дардингга кўймасман ўзим.

Овул-кент тарк этдинг, якинларинг хам,

Ёру кадрдон йўк дардингга малхам.

Машаккат, захматинг фузундан-фузун,

Ялангочу очсан, хасратинг узун.

Кариндош-уруглар сенга кайгурар,

Юраги дардингда безовта урар.

Ожиздан ҳам ожиз хар ёлгиз инсон,

Ўзинг ёлгиз хасрат чекарсан ҳамон.

Гам билан хотиржам ёта олмадим,

Алам-кайгуга хеч бас келолмадим.

Факат сен учунми ибодат, азоб

Факат сен учунми минг бир изтироб?

Нечун бунча захмат чекарсан ўзинг,

Очигин айт, билай мен барча сўзинг.

Ўзгурмишнинг Ўгдулмишга жавоби

Ўзгурмиш жавобан деди: О, бу сўз

Маъкул, вале сен хам тингла, кора кўз.

Мехру мурувватдан сўзинг нишона,

Кариндош - кариндош учун парвона.

Кариндош кайгусин емай кариндош,

Бегона сира хам бўлмас кўзу кош.

Кавму кариндошдан ўзим айрилиб,

Не учун турибман бу ерга келиб?

Тоатим нуксонин англадим аён,

Каминага афзал кўринди бу ён.

Келдим бу ён излаб комил саодат,

Худога килай деб ёлгиз ибодат.

Дахри дун ишига бош кўшган киши,

Хизмат килса колар охират иши.

Улус хизматидан токи узилмас,

Тоату ибодат тархи тузилмас.

Юз ўгириб хирсу нафс, кабохатдан,

Фарогат топилар сўнгра тоатдан.

Нелар дер эшитгил, хар окил киши:

Хавас билан бўлмас бутун дин иши.

Хавасу нафс ганим каттадан-катта,

Мўминни хам йўлдан урар, албатта.

Хавасга ким бўйин берар, кул бўлар,

Тану жон рохати мени кул килар.

Хавасга бош берма, хар мўминга хос,

Тану жон орзусин билим билан бос.

Холис ният билан кишлок-кент қолиб,

Сигиндим бу ерга огир юк олиб.

Улуссиз бу хилват сари зўр рагбат,

Беҳуда гапириб, қилмасман гийбат.

Қадрдон қардошим, ёлғиз дема ҳеч,

Худо фикру зикри ҳамроҳ эрта-кеч.

Қариндош-уругдан гарчи мен йирок,

Уларга зарарим тегмас ҳеч бирок.

Улус кўнгли нозик, мушкул шод этиш,

Ногох кўнгли колса, беомон ташвиш.

Улусга бўлмаса гар мендан фойда,

Зиён ҳам кўрмагай ҳеч ким ҳеч жойда.

Зиёну заруру яхшию ёмон,

Худо фармонида, сенга ҳам аён.

Арши аълодан то зах замин қаъри,

Умид билан такбир айтарлар бари.

Неки бор эл ичра, гар килсам баён,

Зиёну зарар, на сен учун аён.

Дейсан: Не наф берар ибодат иши?

Бахт топар ибодат билан кул киши.

Кул оти кул учун, айлагай одат

Тогу тошлар ичра мудом ибодат.

Ижобат килса хам, килмаса хам бот,

Ибодатин тилга олмагай хеч зот.

Якка-ёлгизликдан ҳеч бир зиён йўк,

Тану жон хирсидан халос, кўнгим тўк.

Ахли шеър сўзларин дастур килиб ол,

Сувратга бокма кўп, сийратга син сол:

Окил бўлсанг агар ёлгиз яшагин,

Беминнат ёлгизлик ошин ошагин.

Тоат килса зохид ёлгиз беармон,

Айт, бундан кимгадир етарми зиён.

Жамоат таърифин келтирдинг, кардош,

Ёру дўст топ дединг мисли кўзу кош.

Сен келгандан буён токи ушбу кун,

Тоат-ибодатсиз холим танг бутун.

Биргина сен билан бўлганим учун,

Кўп зиён кўрдим мен, бу зугум нечун?

Улус билан бўлсам килиб хафсала,

Тоат-ибодатим - мушкул масала.

Ўгдулмишнинг Ўзгурмишга жавоби

Ўзгурмиш сўз олиб деди: Хар сўзинг

Эшиттим, ўгирма сен хам хеч юзинг.

Сўзингу каломинг бегумон, эй дўст,

Ва лекин аслида бу ёлгон, эй дўст.

Улусга наф бергай хар тирик одам,

Тирик тутиб отин, алкагай эл хам.

Тирикликдан, айтгил, не мурод-максуд,

Киши топмаса гар бирон фойда-суд.

Хотин олгай, кўргай ўгил-киз катор,

Бефарзандлик, ахир, хар эр учун ор.

Нелар дер эшитгил, пухта хар иши,

Ўгил-кизи билан бархаёт киши:

Бефарзанд сўнгги он бўлар пушаймон,

Дегай: ўгил-кизсиз бўлма, эй инсон!

Отадан колса гар ўгил ва кизи,

То абад бархаёт, ўчмас ҳеч изи.

Бефарзанд бандада мангу от бўлмас,

Бадар кетса, ўрнин босар зот бўлмас.

Ўзгурмишнинг Ўгдулмишга жавоби

Ўзгурмиш мардона деди: Сўзинг ҳақ,

Яна бир фикр бор вале муҳаккақ.

Окил ўгил-кизинг, шубхасиз, бахтинг,

То рўзи киёмат сарбаланд тахтинг.

Агар ношуд чикса, ерга каратар,

Ўзинг ўлсанг, тезда сени унутар.

Бошингга ёгдирар ганим каргишин,

Сўкар ёт-бегона, боз кайраб тишин.

Кай ўгил-киз ганим, минг бир миннати,

Ганимсиз хаётнинг юксак киммати.

Ёғийдан не янглиг ёруглик чикар,

Ёғий номи хам зарб, юрагинг сикар.

Таълим берар хикмат-панди шарофат:

Ўгил-киз дардидай йўк асло офат.

Далолат бунга хам донишманд сўзи,

Назар солсанг, тўгри сўзлаган ўзи:

Болам деб захматинг зиёда, эсиз,

Захматинг кадрлар кайда ўгил-киз?

Сабил колар харом-хариш йикканинг,

Сен - забун, муродга етар у харгиз.

Денгизчи мисоли хотин олган зот,

Кема денгиз ичра сузиб борар бот.

Ўгил-киз тугилса, кема гарк бўлар,

Кема синса, сувда ким тирик колар?

Отасин кадрлаш - ўгил-киз иши,

Ўгил-киз отасин огу емиши.

Ўгил-киз отадан ёкейин яйрамас,

Отаси-онасин отин атамас.

Оила бу янглиг киларми вафо?

Килиги ёвузу килмиши жафо.

Ўгил-киз отаси минг захмат кўрар,

Минг бир захмат юкин филдай кўтарар.

Дўсту биродар хам дединг тутунгин,

Соз бу хам, захматин лекин тушунгин.

Гоят аъло айтмиш донишманд жўмард:

Киши кўнгли гулдай, эҳтиётлаш шарт.

Кўнгил нозик жуда мисоли шиша,

Баногох синмасин, асра хамиша.

Агар асрамасанг шам каби сўнар,

Иссикда эрир тез, совукда тўнар.

Дўстинг кўнгли колса, пинхона ёв у,

Жонинг учун ганим офат-олов у.

Ганим боис хар зот рохатдан жудо,

Ганим килмишидан асрагай Худо.

Кичик бўлса хам ёв чорасин килгин,

Кичик дема, гоят катта деб билгин.

Фил учун чивин хам душман беомон,

Гангитар филни хам чаккани замон.

Нелар дер эшитгил, ёви бор киши,

Бошин окартирган ганим ташвиши:

Кичик душманим деб алданма узун,

Нечун кўркайин деб кувонма фузун.

Ёвинг бўлса агар гофил бўлма хеч,

Ёгийга ёгий бўл, мавзунга мавзун.

Ўгдулмишнинг Ўзгурмишга жавоби

Ўзгурмиш жавобан аста жуфтлаб лаб,

Деди: Сўзим эшит, дилга ол жойлаб.

Яратди Худо бу жахонни билиб,

Обу ош хам берди халол-пок килиб.

Яхши дўсту ёрга қўшилса киши,

Дўсту ёри каби яхши хар иши.

Киши нафи бўлса кишига қўшил,

Кишига фойдани киши нафи бил.

Якка-ёлгиз юрар эл-юрт носози,

Кишига наф бермас, эй улус сози.

Улусга нафи йўк ўсал чалажон,

Эл-юртга наф келтир, эй дўст, хар қачон!

Кўпайса хар киши дўсту қўлдоши,

Жо-бажо хар иши, сарбаланд боши.

Олам багрида хам етар тилакка,

Охират истаса, қувват билакка.

Алам чексанг, фидо айлар ўзини,

Севинсанг, ёритар яйраб кўзини.

Фазилатинг ошкор айлаб оширар,

Барча нуксонинг хар кўздан яширар.

Уруш-жанг азоби хар билак-белга,

Фазилат-нуксонинг фош этар элга.

То жанг бўлмай хар бир жўмард мардлиги,

Билинмас шавкату наслин фардлиги.

Кай зот фазилати бўлса гар бисёр,

Не ажаб, орттирса минг ганим-агёр.

Холис хислатлари кимнинг зиёда,

Ганим-ёв жамики отли-пиёда.

Холис зот ганими бисёр хар ерда,

Ёвузга ёгий йўк, ёвуз эр - мурда.

Ганими зиёда зотга, назар кил,

Барчадан фазлининг ортиклигин бил.

Ёгий билан жангда эр ном козонар,

Ёвсиз киши оти чўзилиб ётар.

Нелар дер, эшит, мард, шижоатли эр,

Шижоатли хар эр омади ёр шер:

Нечун эр бўлар, айт, минг эр душмани,

Шаънига айтса хам бўхтон бемаъни?

Бўри кайрилиб хам карамас итга,

Чикора минг бир ит минг бор хургани.

Зарарим хеч кимга йўк дединг ёлгиз,

Бехуда очмасман дединг хеч огиз.

Киши бўлмагач, бас, ким тинглар сўзинг,

Кишилар багрида бўлмасанг ўзинг!

Асил марду майдон элу юрт аро,

Олий маком бўлса, килмай можаро.

Дагал сўзга майин жавоби дилсўз,

Дагал сўзласалар, ширин айтса сўз.

Улусга хамдард бор окилу хаким,

Жафо килсалар хам вафо килса жим.

Унутса кин-нафрат, ўчнинг губорин,

Тилида сўзласа дилида борин.

Нелар дер, эшитгин, инсон инсони,

Комил аъмол билан сарбаланд шони:

Офат азал кўнгил нихол-нахлига,

Дагал сўзлама хеч одам ахлига.

Алка сўкса сени кай зот марази,

Тубан у, бўлгин сен улус сараси.

Жафо килганга хам кил факат вафо,

Вафо жўмард килар, номардлар - жафо.

Ўгирса сендан юз якин дўсту ёр,

Улардан сен зинхор кечма, эй хушёр.

Агар зулм килса сенга кай золим,

Кечиргил, шундай дер ахли дин, олим.

Жория, кулга хам багринг кенг килиб,

Рози кил барчасин ўз кадринг билиб.

Жўмард ахли мардлик йўригин тутиб,

Юрар сабр билан ўлимин кутиб.

Ёлгизлик домида хилватда фузун,

Не давлат топарсан, эй фазли афзун?

Рохат, орзу, неъмат бегона мубхам,

Кумуш, гавхар, олтин, топмадинг мис хам.

Сарой, каср, ер-сув кирмас тушингга,

Ўгил-киз, от, зийнат ёкмас хушингга.

Хотамдай кўлинг хам очик эмас хеч,

Кошки кўзинг очсанг эртами ё кеч.

Йўкотдинг бор будинг, кисматинг тахир,

Кай телба зохид деб атади ахир?

Каноатли кўпдан кечиб озига,

Зохидлик килолса, яхши ўзига.

Улус армонига зохид етишар,

Бардош билан факат бу неъмат пишар.

Багрида бўлса хам гар минг бир орзу,

Кечар барчасидан жўмардларча у.

Едирса, ичирса, гарибни кўллаб,

Худога сигинса, муножот йўллаб.

Дунё кулиб бокса, кўнгил кўймаса,

Юзин ўгирса хам гамга йўймаса.

Худо ёр, кадамда минг омад кутса,

Ўзини тилда хам, дилда бир тутса.

Бу сўзим исботлар ҳақ калом накши,

Эшит ҳам амал кил, эй феъли яхши:

Жўмард аҳли бошлаб ишин астойдил,

Гайрат билан килгай ҳар ишин дадил.

Атагин сен уни мард ичра жўмард,

Етиб минг орзуга бўлса соф, одил!

Ўзгурмишнинг Ўгдулмишга жавоби

Ўзгурмиш безгандай деди: Айт менга,

Каминадан асли не керак сенга?

Огиз очганим он бўларсан сўзим,

Жавобин киларсан тўхтатиб ўзим.

Очигин айт менга, килма овора,

Хар не истасанг хам сўра ошкора.

Ўгдулмишнинг Ўзгурмишга жавоби

Ўгдулмиш салмоклаб деди: Мен ўзим

Умид билан келдим, айтсам ҳақ сўзим.

Шоханшоҳ Кунтугри эшитди сени,

Ҳузурига чорлаб юборди мени.

Гоят орзулади сени кўришни,

Буюрди қошига олиб боришни.

Огир бўлса ҳамки тез бориш керак,

Султонга етишиб, бир кўриш керак.

Подшо гоят эзгу хон-султон ахир,

Улусга жонкуяр, меҳрибон ахир.

Хокон юзин кўрган зот қутлуг бўлар,

Голиб каби қўйни-қўнжи ҳам тўлар.

Нелар дер, эшитгил, элу юрт хони,

Беназир каломи минг дард дармони:

Адолатли, тўгри бек аъло тийнат,

Кути билан берар барчага зийнат.

Каёнда янграса одил бек оти,

Топар бахт қошига борган эр зоти.

Асосу негизи адлу адолат,

Адолатсиз ерда кўпар разолат.

Адолатли шохлар бўлмаса, ҳамон

Вайрон айлар эди фалакни Рахмон.

Азиз - одил шохга ким ҳамдам бўлар,

Муродига етиб, айби ювилар.

Биларсан, бу кун мен бўлганим одам,

Саодатим топдим шох билан хамдам.

Худо берди, шукр, тафаккур-билим,

Эзгулик бобида забардаст кўлим.

Эзгу ишлар сари Худо очди йўл,

Улус юки енгил, наф хам топди мўл.

Сени хам чорлагай кошига Хокон,

Хамжихатлик билан минг мушкул осон.

“Ола кел!” деб жадал юборди сенга,

Раво кўрма ёлгиз жўнашни менга.

Мактуб хам йўллади самимий тўкиб,

Нелар битган, аё, ўзинг кўр ўкиб.

Мактубни чиқариб хам узатди аста,

Ўзгурмиш авайлаб олди ораста.

Ўзгурмишнинг Ўгдулмишга саволи

Узок ўкиб, толди хаёлга узун,

Аъло таълим, деди сўнг султон сўзин.

Хузурига чорлаб мени шох кабир,

Барча эзгуликни атамиш бир-бир.

Багоят мураккаб иш бу мен учун,

Насихат бер, нелар килай, инчунун?

Ўгдулмишнинг Ўзгурмишга жавоби

Ўгдулмиш жавобан деди: Шоханшоҳ,

Сени сўзлар сира тинмай, бўл огоҳ.

Тилидан эрта-кеч бир отинг чиқар,

Йўлингга эрта-кеч интизор боқар.

Кимни севса шайдо кўнгил орзулаб,

Отин тилдан кўймас сўзга сўз улаб.

Биларсан ошиги содик недан шод:

“Ёр жамоли билан зор кўнглим обод!”

Кўнгил кимни севса, кўрар кўзда ёр,

Висоли айлар маст, учар юзда ёр.

Кўнгилда не бўлса гар тилак-орзу,

Такаллум килса, бор калом-сўзда ёр!

Ўзгурмишнинг Ўгдулмишга жавоби

Ўзгурмиш охиста дер: Айла баён,

Бирон-бир чорасин килгайсан аён.

Гамхўр кариндошим ўзингсан якин,

Насихат кил, ўта кардошлик хакин.

Бу ишда сўрайман сендан маслахат,

Минг мушкул хам осон бўлсак хамжихат.

Кардошсан истасанг бўл жўра хам дўст,

Биродар, кариндош мисли магиз-пўст.

Мехрибон факат сен бу кун чин менга,

Не десанг киларман, ишондим сенга.

Ўгдулмишнинг Ўзгурмишга жавоби

Ўгдулмиш самимий айтди: Бундай сўз

Мендан сўрамагин зинхор, кора кўз!

Мени килди султон бир элчи сенга,

Равоми кенгашиш сен билан менга.

Борайлик, демакдан ўзга йўк сўзим,

Кай асно айтарман борма деб ўзим.

Бирга бўлсак бизлар фойдаси бисёр,

Ўз нафинг кўзлама дер аклим такрор.

Нелар дер, эшитгил, билимли чигил [\[1\]](#) ,

Билимсиз, эшит сен, бўйин бер, эгил:

Ўз нафин тилар ким, маслахат солма,

Нафи йўк сенга хеч бехуда толма.

Холис киши билан кенгаш, эй кардош,

Токи кўзламагай ўз нафин хар бош.

Ўз нафин кўзлаган ўз нафи учун,

Нафин кўзлаб ишга солар бор кучин.

Хар битта юмушни кенгашиш керак,

Агар кўнгил чопса, киришиш керак.

Ўзингга меҳрибон факат сен ўзинг,

Хар кимдан сўрама, ортик хар сўзинг.

Билиб кил ишингни, ўтинчим сендан,

Бу ишда маслахат тилама мендан.

Умид билан келдим юриб канча йўл,

Маслахатим бирга юргин бериб кўл.

Улус багридаги хар эзгу аъмол,

Топилмас бу жойдан гар айтсам халол.

Шахар-кишлок ичра рўшнолик тайин,

Аник сўзлаб бердим сенга атайин.

Биларсан, хар сўзни дилдан сўзладим,

Худойимга аён, нафинг кўзладим.

Улусдан кочарми хеч окил киши?

Улусга кўшил, бу - кишилар иши.

Корига яра, кил мўминлар ишин,

Худо жаннат ичра килгай хамнишин.

Тилу дилинг тўгри, тоат кил хамон,

Каёнда истасанг, яша беармон.

Хар кимга тош отмай, кадрингни билиб,

Ёлгиз яшамагин элдан айрилиб.

Гоят бунга монанд бу байт, эй окил,

Ўкигин, хар ишда мудом амал кил:

Каёнда юрсанг хам созу яхши бўл,

Азилзода дема, яхшига тут қўл.

Окил равон йўлдан чикмагай сира,

Юрар рохинг бўлсин факат тўгри йўл.

Хар ким яхшиликни килса ихтиёр,

Хамиша хар жойда бўлар бахтиёр.

Яхши хамма жойда хам яхши бўлар,

Саодат ёр, кўйни-кўнжи хам тўлар.

Феълинг аъло айла, бадбин бўлмагил,

Каёнда юрсанг хам сира кўркмагил.

[1] Чигил – туркий халклар оиласига мансуб қабилалардан бири, шу қабиллага мансуб шахс.